



BILTEN

MEDŽLISA ISLAMSKE ZAJEDNICE ZAGREB



HUTBA

Poštovana braćo,

Pošto se nalazimo u mjesecu rebiul-evvelu u kojem je rođen Muhammed a.s., današnju ću hutbu posvetiti njemu- posljednjem Allahovom Poslaniku, i govorit ću o nekim aspektima njegova života. Mi, muslimani živimo svoju vjeru islam na temelju dva izvora: vječne i neizmijenjene riječi Božje - Kur'an Kerima i života Poslanika islama Muhammeda a.s., ili Sunneta. Pod Sunnetom podrazumijevamo sve ono što je Muhammed a.s. govorio, radio, preporučio ili šutnjom odobrio. Slijediti Sunnet znak je čiste i ispravne vjere (imana), dok izbjegavati Sunnet znak je nifaka, tj licemjerstva koje je nespojivo sa iskrenom vjerom. Muhammed a.s. je rekao: "Tko oživljava moj Sunnet - on me voli, a tko mene voli - bit će sa mnom u Džennetu." Jer, slijediti Muhammeda a.s. znači biti pokoran Allahu dž.š. a to nam najbolje oslikava kur'anski ajet: „Tko je poslušan Poslaniku, poslušan je i Allahu...» ili „I tako mi Gospodara tvoga, oni neće biti vjernici dok za sudiju u sporovima međusobnim tebe ne prihvate i da onda zbog presude tvoje u dušama svojim nimalo tegobe ne osjete i dok se sasvim ne pokore." (En-Nisa', 65) Koliko je Sunnet bitan za život muslimana najbolje pokazuju temeljne islamske dužnosti poput namaza. U Kur'anu je naređeno obavljanje dnevnih namaza svima onima koji se smatraju muslimanima, međutim, nigdje u Kur'anu nema objašnjenja na koji se način oni obavljaju, koliko koji ima rekata, kako se naklanjava, kako se pristupa džematu.

O svemu tome naučio nas je naš Poslanik Muhammed a.s., a njega melek Džibril po Allahovoj naredbi. Naravno kao i o drugim vidovima ibadeta.

O osobi Muhammeda a.s. i njegovom odnosu prema životu i vjeri možemo govoriti na temelju Kur'ana (onoga što je o njemu rekao Allah dž.š.), Sunneta (onoga što je o sebi rekao sam Poslanik ili djelima pokazivao) i na temelju onoga što su o njemu kazali njegovi ashabi. Kur'an o Muhammedu a.s. govori kao o živom čovjeku i Božijem Poslaniku koji djeluje unutar zajednice. Njegova vjera i njegova misija ne tiču se samo njega i Boga, nego je posrijedi življenje žive vjere i djelovanje i prakticiranje islamskih pologa na više razina: o Muhammedu a.s. govori se u Kur'anu kao o čovjeku koji djeluje u vjeri, u povijesti, u društvu, u porodici, u zajednici.

Božji se Poslanik iz pećine Hira, gdje je dobio prvu Objavu, vraća u grad Mekku, među žive ljude, vraća se u ljudsko društvo koje živi svoje probleme. Prije svega, vjera islam nije ni za njega nešto što je profesija, islam je za njega njegova vjera koju mu objavljuje dragi Allah i u koju sam Muhammed a.s. vjeruje. On sam je dakle Poslanik prvo samome sebi pa onda drugima. Uz to on je i običan čovjek, koji se ženi, ima djecu, hoda po trgovima i sebi ne može, ako Bog drugačije ne odredi, priuštiti korist niti otkloniti štetu. Kod njega nisu ni riznice blaga niti poznaje svijet nepoznatog-gajb. On

pati, boji se, biva ismijavan, u laž utjerivan, biva ranjen, na kraju umire. On je običan čovjek.

Jedino što se od ostalih ljudi razlikuje jeste da je Allahov Poslanik, prima i drugima saopćava i objašnjava Objavu.

Razlikuje se po tome što je njegov moral sam Kur'an. Ni Objavu nije mogao primiti kad je njemu bilo volja. Nego kada je to Allah dž.š. htio. On nije samo u svom poslaničkom ogrtaču bio primjer, već i u svom svakodnevnom životu. Naučio nas je kako ispravno vjerovati u Tvorca, Allaha dž.š. Počašćen je puninom riječi (dževami'u-l-kelim) kojom nam je svoje savjete kazao. Bio je siročić, ali je bio poslušan svome amidži koji ga je hranio, nije bio siročić kojeg je trebalo žaliti. Bio je mladić, ali ne mladić kojem se ljudi ustručavaju povjerenje ukazati, već je bio povjerljivi El-Emin. Bio je brižni muž, ali nije bio neodgovorni muškarac poput nekih današnjih spremnih na sve, pa i na prevaru, laganje i obmanjivanje. Bio je trgovac, ali ne onaj koji vara, već pošteno zarađuje svoju nafaku, koji svojim radnicima ne zakida zaradu već im je isplaćuje dok se znoj njihovog rada ne osuši. Bio je otac, pun ljubavi i saosjećanja prema svojim evladima, odgajao je svoju djecu svojim primjerom, a ne silom, i nasiljem u porodici što je danas opća pojava. Bio je vođa, pravedni i odgovorni, ali nije tu poziciju koristio radi privilegija ili bogaćenja. Bio je prijatelj, pravi i iskreni, a ne onaj koji prijatelja ostavlja na cjedilu nakon što ga iskoristi ili u prijateljstvu vidi samo materijalnu korist. Cijenio je čovjeka, bez obzira da li to bio slijepac ili bogataš, pastir ili obrazovani pjesnik. Muhammed, a.s., je poslanik Božiji koji je, za kratko vrijeme svoje poslaničke misije, za samo 23 godine, uspio izgraditi takve ličnosti, takve karaktere, kakve kasnija povijest više nije srela. Danas su oni dokaz protiv svakog onoga ko ustvrdi da je realizacija Božije Riječi u pratičnom životu nerealan zahtjev. U Poslaniku s.a.v.s., vjernici imaju najljepši uzor, jer njegov život (djelo i riječ) nisu nikada dolazili u kontradikciju. "Vi u Allahovu Poslaniku imate divan uzor za onoga koji se nada Allahovoj milosti i nagradi na onom svijetu, i koji često Allaha spominje." (Suretul-Ahzab: 21. ajet)

Mi u Muhammedu a.s. imamo uzor muža, oca, prijatelja, susjeda, vojskovođe, državnika. Imamo uzor kako u vjerskim tako i u svjetovnim stvarima, jer njega je odgajao Kur'an-riječ Božja. Allah dž.š. govori u kom smislu je Poslanik s.a.v.s. poslat ljudima: kao svjedok, donosilac radosne vijesti, opominjač, onaj koji poziva Allahu i svjetiljka koja sja. Allah dž.š. je odabrao Poslanika za plemenitu misiju, koja nije samo milost za ljude, već za svjetove, koji osjećaju veličinu Istine, kao sto stoji u 107. ajetu, Sure Enbija: "A tebe smo samo kao milost svjetovima poslali." (Suretul-Enbija': 107. ajet)

Poslaniku s.a.v.s., koji je bio izložen raznim neprilikama, predlagali su neki vjernici da na mušrike prizove Allahovu srdžbu, odbijajući to kazao je: "Ja nisam poslat kao onaj koji proklinje, već kao milost!" Kakva je naša obaveza njegovih sljedbenika prema njemu i u kojoj mjeri uistinu dosljedno svjedočimo drugi dio

šehadeta "...svjedočim da je Muhammed Allahov Poslanik"?

Nije li ljubav prema Poslaniku i svjedočenje njegova poslanstva, u slijedenju njegova Sunneta i u udaljavanju od svega onoga što je zabranio? Nije li njegov život bio najbolji primjer kakav musliman treba biti?

Naravno, iščitavajući hadise mi doznajemo kakav je bio Muhammed a.s. i nastojimo ga kao muslimani oponašati u svim aspektima života a ne samo u onima koji nama odgovaraju. Obaveza je vjernika da na Poslanika s.a.v.s. donosi salavat, jer salavat na njega donose, Allah i meleki. Trebamo se naviknuti da nakon spominjanja Poslanikova imena, na njega donesemo salavat, jer za one koji to ne čine Muhammed a.s. u jednom hadisu kaže da su škrstice. Vele da je jedini ibadet u kojem zajedno učestvuju Allah, meleki i ljudi donošenje salavata na Muhammeda a.s. "Allah i meleki Njegovi donose salavat na Vjerovjenu. O vjernici, donosite i vi salavat na njega i šalžite mu selam!" (Suretul-Ahzab: 56. ajet) Prenosi Ebu Hurejre r.a. da je Poslanik s.a.v.s. rekao: "Tko na mene donese jedan salavat, na njega Allah donese deset salavata." Prema tome, natječimo se u donošenju salavata na onoga koji je poslat da upotpuni moralne vrijednosti među ljudima. Da bi iman bio potpun, ljubav prema Allahu i Poslaniku, mora da bude veća od ljubavi prema roditeljima, djeci i svim ljudima. Prenosi Enes r.a., da je Poslanik s.a.v.s. rekao: "Neće od vas nitko biti vjernik, dok mu ne budem draži od roditelja, djeteta i svih ljudi." Kad je Muhammed, alejhi-s-selam, zatražio od svojih sljedbenika ljubav prema sebi, to znači da je zatražio ljubav prema poslanstvu koje mu je dostavljeno i koje je apsolutno proželo njegov besprijekorno moralni život. Dalje, on je time pokazao put prema Allahu. Islam ne traži apstraktnu ili samo verbalnu ljubav, već ljubav koja je konkretizirana u dobrim djelima. Prenosi Enes r.a., da je Poslanik s.a.v.s. rekao: "Kod koga se nađu tri stvari, osjetit će slast imana: da mu Allah i Poslanik budu draži od svega na svijetu, da ljude (vjernike) voli samo u ime Allaha i da mrzi povratak u nevjerstvo, kao što mu je odvratno to, da bude bačen u vatru." Prenosi Enes r.a., da je jedan čovjek pitao Poslanika s.a.v.s.: "Kada će Sudnji dan, o Allahov Poslanice?" Upitao ga je Poslanik: "Šta si za njega pripremio?" Rekao je: "Nisam pripremio, niti mnogo namaza, niti posta niti sadake, ali ja volim Allaha i Poslanika." Rekao je (Poslanik): "Ti ćeš biti sa onima koje voliš." (Buharija) Reci (Muhammede): "Ako Allaha volite, mene slijedite, i vas će Allah voljeti i grijehe vam oprostiti!" - a Allah prašta i samilostan je. " (Ali žImran, 31.) Zapitajmo se, da li posjedujemo navedene osobine, te da li u nama ima slasti imana ili islam poimamo kao dio naše tradicije ili smo ga pretvorili u folklor. Da li u našim srcima ima ljubavi prema Muhammedu a.s. ili ne znamo ni najosnovnije biografske podatke o njemu. Svako od nas u sebi krije odgovor samo zapamtimo da se bez slijedenja Sunneta ne može biti musliman.

Molimo Allaha dž.š. da nas učini od onih koji vole Muhammeda a.s. i slijede njegov Sunnet.

Mektepski raspored do kraja školske 2007./2008. godine

- **20.03.** (četvrtak) - **Mevlud povodom rođenja Muhammeda a.s.** (12. Rebiu-l-evvel) u Zagrebačkoj džamiji, poslije akšam-namaza u 18:30 sati. Mevludski program će izvesti polaznici mekteba, zbor Medrese, ženski zbor Arabeske i imami i muallime IZ Zagreb.
- **22. i 23.03.** (subota i nedjelja) **nema** mektepske nastave
- **29. i 30.03.** (subota i nedjelja) **nema** mektepske nastave
- **05. i 06.04.** (subota i nedjelja) mektepska nastava za jutarnju smjenu počinje u 10 sati, a završava sa klanjanjem podne-namaza. Za popodnevnu smjenu počinje u 13 sati, sa klanjanjem podne-namaza, a završava u 16 sati i tako do kraja školske godine.
- **03. i 04.05.** (subota i nedjelja) **nema** mektepske nastave
- **10. i 11.05.** (subota i nedjelja) redovna mektepska nastava, a **11.05. (nedjelja)**, poslije mektepske nastave, u **13:30** sati je **IZLUČNO TESTIRANJE 9.** Mektepskog i vjeronaučnog natjecanja Medžlisa Islamske zajednice Zagreb za mektepske i vjeronaučne polaznike.
- **17.05.** (subota) **FINALNO NATJECANJE** (kviz znanja) za polaznike vjeronaučne i mektepske nastave od **1. – 4.** razreda osnovne škole.
- **18.05.** (nedjelja) **FINALNO NATJECANJE** (kviz znanja) za polaznike vjeronaučne i mektepske nastave od **5. – 8.** razreda osnovne škole i **srednjoškolce.**
- **24. i 25.05.** (subota i nedjelja) **nema** mektepske nastave
- **07.06.** (subota) **2. MEKTEPSKE SPORTSKE IGRE**
- **08.06.** (nedjelja) **DRŽAVNO NATJECANJE** za polaznike vjeronaučne i mektepske nastave
- **15.06.** (nedjelja) **ZAVRŠNA MEKTEPSKA SVEČANOST** i podjela ocjena za školu.

ZAPISNICI SA SJEDNICA IOM-A

sa 30. sjednice Izvršnog odbora Medžlisa u Zagrebu, održane dne. 26.2.2008.g./ dne. 19. Safera 1429. h.g. sa početkom u 20,15 sati u biblioteci Islamskog centra Zagreb.

Ašere na početku sjednice proučio je hafiz Aziz ef. Alili, a nakon toga je proučena Fatiha za sve rahmetli članove IOM-a.

I Sjednici su prisutni članovi Izvršnog odbora: hafiz Aziz ef. Alili, dipl. iur. Mirsad Srebreniković, dr. Merzuk Žunić, dipl. ing. Mirza Šabić, Muhamed Imeri, Khaled Yassin, dipl. ing. Dženan Čaušević, Ahmed Ikanović, dr. Gzim Redžepi, Jonuz Idriži, Sami Ališan, Fahrudin Mujkanović i Adnan Omanović.

Sjednici nisu prisutni članovi Izvršnog odbora: dipl. ing. arh. Azra Omerčević (put), Sanel Modronja, Nazim Tafiloski (put).

Od ostalih osoba sjednici su prisutni Saudin ef. Subašić i Sabit Krasnić.

II Predsjednik Izvršnog odbora predlaže sljedeći dnevni red:

1. usvajanje zapisnika sa 29. sjednice Izvršnog odbora medžlisa;
2. primljena i ođasana pošta;
3. mjesečno izvješće o vjersko-prosvjetnim aktivnostima u siječnju 2008.g.;
4. izvješće o ostalim aktivnostima;
5. razno.

Prisutni usvajaju predloženi dnevni red.

III Ad 1. dnevnog reda:

Tajnik Adnan Omanović je pročitao izvod iz zapisnika sa 29. sjednice IOM-a koji IOM usvaja uz manje izmjene.

Ad 2. dnevnog reda:

Mešihat Islamske zajednice u Hrvatskoj dostavio je rješenje o imenovanju Mevludina ef. Arslanija za vjeroučitelja u osnovnim školama "Lučko" i "Matija Gubec".

Džemat Karlovac uputio je poziv za obilježavanje prve godišnjice rada džemata u subotu dne. 19.4.2008.g. te istovremeno molbu za financijsku pomoć u svrhu uređenja prostorija džemata.

Zaprimljene su molbe za noćenje članova Agencije za certificiranje halal kvalitete i Hrvackog kluba "Brčko". Povjerenik za džemat Maljevac g. Asim Pilipović dostavio je izvješće o kandidacijskom skupu za izbor članova Džematskog odbora Maljevac.

Mersad ef. Krešćić je dostavio zamolbu za rješavanje stambenog pitanja. IOM zadužuje Dženana Čaušević da utvrdi tehničke uvjete korištenja vakufskog stana i potrebu eventualnih građevinsko obrtničkih radova u stanu.

Glavni imam hafiz Aziz ef. Alili uputio je dopis Admiru ef. Muhiću radi dostave pojašnjenja razloga nedolaska na izvještajnu skupštinu IZ u Hrvatskoj.

Zaprimljena je zahvala Medžlisu Zagreb za dodjelu naših kurbana Isa-begovoj medresi u Skopju.

Ad 3. dnevnog reda:

Glavni imam hafiz Aziz ef. Alili podnio je pismeno mjesečno izvješće Medžlisa IZ Zagreb o vjersko-prosvjetnim aktivnostima u siječnju 2008.g. koji obuhvaća podatke o broju dženaza, namaza, tevhida, mevluda, broju učenika u mektebima, školama, posjetama džematu, akikama itd., a izvješće je dio ovog izvoda iz zapisnika.

Održan je mevlud povodom Nove 1429.h.g. te mevlud u Ljubljani povodom Dana vjerskih sloboda dne. 25.1.2008.g. Emina Mešić prilagođava udžbenike za vjeronauk za 8. razred osnovne škole aktualnom školskom standardu HNOS-a. Pojačana je aktivnost žena te je održan kviz za naše džematlijeke. Budući da Mersad ef. Krešćić ima tjedno 44 sata nastave te pokriva škole u Zagrebu, Zaprešiću i Vel. Gorici, predsjednik M.

Srebreniković predlaže da glavni imam uputi dopis Mešihatu radi pokretanja inicijative za zasnivanja radnog odnosa ef. Krešćića sa Ministarstvom obrazovanja, prosvjete i športa RH.

Ad 4. dnevnog reda:

1. Fahrudin Mujkanović izvješćuje o pripremama za izvještajnu skupštinu IOM-a koja bi trebala biti održana kroz kraće vrijeme. Razmotreno je pitanje diobe izlaganja na tematske cjeline te članova IOM-a koji će izlagati po pojedinim temama. Obzirom na loš odaziv džemata na prošlu izvještajnu skupštinu ovaj put će poziv biti upućen svim članovima IOM-a, članovima Sabora IZ Hrvatske iz našeg medžlisa, članovima Mešihata iz našeg medžlisa, profesorima Medrese itd. Ahmed Ikanović predlaže da se izvješće napravi u pismenoj formi te podijeli džematu. Ocjenjuje da ne postoji dovoljna suradnja između IOM-a, Mešihata i Sabora IZ. Srebreniković ukazuje da IOM komunicira sa džematom putem Biltena, oglasne ploče, hutbi petkom i predavanja četvrtkom. Gzim Redžepi ukazuje da džemat ne dolazi na sjednice IOM-a te ne uzima nikakvo učešće u radu IOM-a. Adnan Omanović predlaže da izvještajna skupština traje najdulje sat i pol vremena.

2. Sabit Krasnić najavljuje tematsku sjednicu o problemu članarine te ukazuje da je pripremio sve financijske pokazatelje o kretanju članarine u ovoj i proteklim godinama. Alem Orlić završava kompjuterski program pretraživanja podataka o članarinama kojim će sve dalje analize biti radikalno jednostavnije i brže.

3. Fahrudin Mujkanović je izvijestio o svečanoj projekciji amaterskog dječjeg dokumentarnog filma "Hafiz" koji je uradak kino sekcije osnovne škole "Marija Jurić Zagorka", a koju pohađa naš hafiz i njegov sin Amar Mujkanović. Predavanje i projekciju u Velikoj dvorani "Salim Šabić" posjetilo je oko 80 učenika te osnovne škole te desetak profesora na čelu sa ravnateljem škole, a odaziv našeg džemata je bio brojna. Učenici i profesori su bili oduševljeni toplim prijemom i pohvalama filma prepune dvorane te zakuskom u prostorijama naše medrese. U obraćanju našem džematu ravnatelj škole je ocijenio film dokazom izgradnje interreligijske snošljivosti i razumijevanja te kao materijal kojeg će predložiti Ministarstvu prosvjete da bude ubuduće projiciran u školama širom Hrvatske. Film bi trebao biti preveden na engleski i arapski, a postoji izgledna mogućnost da bude prezentiran na međunarodnim natjecanjima. Mirsad Srebreniković ukazuje da će IOM pružiti svaku vrstu podrške hafizu Amaru Mujkanović u daljem učenju i radu te da opravdano očekuje njegov dalji napredak. Pohvaljuje Amarov istup na svečanosti kao zreo i primjeren te ukazuje da je svečanost bila snimljena od strane HTV. Konačno, ovaj film doživljava kao poticaj za našu djecu da se oslobode kompleksa manje vrijednosti i budu ponosni na svoju vjeru. Na svečanosti se prisutnima obratio i Amarov muhafiz Mevludin ef. Arslani koji je biranim riječima opisao tegoban put stjecanja titule hafiza, a

zamjenik muftije za vjersko-prosvjetna pitanja mr. Aziz ef. Hasanović je naglasio nužnost izuzetnog talenta i još veće upornosti u učenju, a koje moraju biti sjedinjene u svakoj osobi koja ima želju postati hafizom.

4. Dne. 2.2.2008.g. održan je kandidacijski skup za članove Džematskog odbora Maljevac. Izabrano je 10 kandidata od kojih IOM Zagreb imenuje četiri člana Džematskog odbora Maljevac.

Mirsad Srebreniković predlaže da članovi Džematskog odbora budu Suljo Bašić, Elzad Sulejmanagić, Ferid Alibegić i Reuf Kondić, te da mutevelija bude Suljo Bašić. Imam Admir ef. Muhić je temeljem Statuta IZ Hrvatske član Džematskog odbora.

IOM donosi sljedeću

O d l u k u

Usvaja se lista kandidata sa kandidacijskog skupa za članove džematskog odbora Maljevac održanog dne. 2.2.2008.g.

Za članove Džematskog odbora Maljevac imenuju se Suljo Bašić, Elzad Sulejmanagić, Ferid Alibegić i Reuf Kondić, a mutevelija će biti Suljo Bašić. Imam Admir ef. Muhić je temeljem Statuta IZ Hrvatske po službenoj dužnosti peti član Džematskog odbora.

5. Mirsad Srebreniković izvješćuje da će NK "Nur" od dne. 30.3.2008.g. igrati nogomet na svom novom terenu sjeverno od Islamskog centra Zagreb. U tijeku je priprema na izradi svlačionica za igrače. Također postoji inicijativa za školu stolnog tenisa, a potrebno je da nabavimo četiri stola sa pratećim priborom.

6. Saudin ef. Subašić apelira za pomoć Džematu Karlovac, budući da je potrebno nabaviti nove klupe za mekteb. Dobili su određene donacije od Veleposlanstva IR Iran u vidu školskih klupa i stolica. U dosadašnjem uređenju prostorija ističe se vakif Amir Haušić, a BNZ u Karlovcu je ustupila svoje prostorije na korištenje. Potrebno je uređenje prostorija obzirom na najavljenju 1. godišnjicu rada za dne. 19.4.2008.g. IOM zadužuje Dženana Čauševića da izvrši tehnički snimak stanja u tim prostorijama radi procjene visine troškova uređenja.

7. Sami Ališan podsjeća na hitnost potrebe nabave novog kombija za "Merhamet". Mirsad Srebreniković predlaže da se u džematu inicira akcija radi prikupljanja novčanih sredstava za kupnju kombija.

IOM donosi sljedeću

O d l u k u

Pokreće se akcija prikupljanja novčanih sredstava za kupnju kombija za potrebe "Merhameta" Zagreb. Pozivaju se članovi medžlisa Zagreb da podrže akciju davanju svojih dobrovoljnih priloga.

IV Sljedeća sjednica određena je za dne. 11.3.2008.g. / 3. Rebiu-l-evvel 1429 h.g.

V Na završetku sjednice proučena je Fatiha.

Sjednica IOM-a završena je u 23,00 sata.

sa 31. sjednice Izvršnog odbora Medžlisa u Zagrebu, održane dne. 11.3.2008.g. / 3. rebiu-l-evvela 1429 h.g. sa početkom u 20,15 sati u biblioteci Islamskog centra Zagreb.

Ašere na početku sjednice proučio je hafiz Aziz ef. Alili, a nakon toga je proučena Fatiha za sve rahmetli članove IOM-a.

I Sjednici su prisutni članovi Izvršnog odbora: hafiz Aziz ef. Alili, dipl. iur. Mirsad Srebreniković, dr. Merzuk Žunić, dipl. ing. arh. Azra Omerčević, Sanel Modronja, Muhamed Imeri, Khaled Yassin, dipl. ing. Dženan Čaušević, Ahmed Ikanović, Nazim Tafiloski, Fahrudin Mujkanović i Adnan Omanović.

Sjednici nisu prisutni članovi Izvršnog odbora: dipl. ing. Mirza Šabić, Jonuz Idrizi (put), dr. Gzim Redžepi (posao), Sami Ališan (bolest).

Od ostalih osoba sjednici su prisutni Mevludin ef. Arslani, Mirza ef. Mešić, Abdulah ef. Imširović, Admir ef. Muhić, dipl. ing. Alem Orlić, Kemal ef. Skender, Azra Omanović, Alili Islam, Saudin ef. Subašić i Sabit Krasnić.

II Predsjednik Izvršnog odbora predlaže sljedeći dnevni red:

1. usvajanje zapisnika sa 30. sjednice Izvršnog odbora medžlisa;
2. primljena i odata pošta;
3. definiranje dnevnog reda za izvještajnu skupštinu IOM-a Zagreb za 2007.g.
4. prezentacija prijedloga računalnog programa o evidenciji članova Medžlisa Zagreb;
5. analitika članstva i plaćanja članarina džematlija Medžlisa Zagreb u 2007.g.
6. razno.

Prisutni usvajaju predloženi dnevni red.

III Ad 1. dnevnog reda:

Tajnik Adnan Omanović je pročitao izvod iz zapisnika sa 30. sjednice IOM-a koji IOM usvaja uz manje izmjene.

Ad 2. dnevnog reda:

Zaprimljena je zahvalnica Osnovne škole "Marija Jurić Zagorka" za prijem ravnatelja, nastavnika i učenika na prezentaciji filma "Hafiz" u Islamskom centru Zagreb. Zaprimljena je zahvalnica tvrtke "Bistours" za prijem u Islamskom centru Zagreb.

Ad 3. dnevnog reda:

Fahrudin Mujkanović predlaže dnevni red izvještajne skupštine: 1. tehnički rad IOM-a, 2. financijsko poslovanje, 3. analitika članarina i sergija, 4. vjersko-prosvjetne aktivnosti, 5. znanstveno-informativna djelatnost, 6. "Arabeske", 7. humanitarno vijeće "Merhamet", 8. Omladinsko vijeće OKM, 9. Vijeće žena.

Materijali za izlaganje u pismenoj formi trebaju biti dostavljeni tjedan dana prije skupštine. IOM prihvaća prijedlog.

Ad 4. dnevnog reda:

Dipl. ing. Alem Orlić je prezentirao radnu verziju računalnog programa o evidenciji članova Medžlisa Zagreb. Program omogućuje uvid u sve podatke relevantne za utvrđivanje članstva, redovitosti plaćanja članarine, obiteljskim članarinama itd. Uvid u podatke je jednostavan i trenutno po brojnim ključevima pretraživanja. Omogućen je ispis adresa za vaktije, obavijesti džematlijama itd.

Adnan Omanović predlaže da se unošenje podataka u bazu podataka ograniči na ovlaštene osobe te da se korištenje podataka vrši suglasno Zakonu o zaštiti osobnih podataka te ga slijedom toga IOM zadužuje da izradi pravilnik o unošenju podataka i korištenju baze osobnih podataka članova Medžlisa IZ Zagreb.

IOM donosi sljedeću

O d l u k u

IOM jednoglasno podržava radnu verziju programa kao uspješnu te zadužuje Fahrudina Mujkanović da sa dipl. ing. Alemom Orlićem u suradnji sa Sabitom Krasničem i ostalim članovima IOM-a utvrdi potrebne detalje aplikacija programa i njegovu doradu.

Ad 5. dnevnog reda:

Fahrudin Mujkanović podsjeća da je u prošlom sazivu IOM-a donijeta odluka od dne. 13.2.2007.g. kojom se za primanja do 3.000,00 kn mjesečno članarina utvrđuje u iznosu od 360,00 kn godišnje, za primanja do 6.000,00 kn mjesečno članarina utvrđuje u iznosu od 600,00 kn godišnje, za primanja preko 6.000,00 kn mjesečno članarina utvrđuje u iznosu od 1.200,00 kn godišnje. Obiteljska članarina odnosi se na oboje supružnika od kojih je jedno zaposleno, njihovu malodobnu djecu te djecu koja su punoljetna i školuju se odnosno nisu zaposlena. Iznijeti su brojevi podaci o broju redovitih članova koji članarinu plaćaju neprekidno već 3 godine, neredovitim članovima koji članarinu nisu platili unazad 5 godina ili duže te socijalnim članovima koji nemaju mogućnost da plaćaju članarinu. Uočljiva je značajna brojka neredovitih članova te se utemeljeno pretpostavlja da se u njoj krije značajan broj džematlija koji nemaju mogućnost da plaćaju članarinu, ali ne žele da se očituju kao socijalno ugrožene osobe.

IOM ohrabruje takve džematlije da na našoj blagajni naznače svoj težak socijalni status uz prikaz adekvatne dokumentacije (npr. odrezak mirovine, karta socijalne pomoći i sl.), a podatak je službena tajna i neće biti javno objavljivan.

Fahrudin Mujkanović predlaže da se namirenje duga članarine utvrdi uvjetom za dženazu preminuloj osobi, osobito u slučajevima kada je riječ o obiteljima koje nakon dženaze priređuju bogate zakuske, a ne žele

platiti dug članarine za merhuma. Ukazuje da je potrebno zaustaviti trenda pada broja džematlija koji plaćaju članarinu 1.200,00 kn.

Do koje mjere je važan sustavan pristup problemu dokazuje činjenica da su nakon inicijative muftije Ševke ef. Omerbašića naši imami u nizu navrata ukazivali džematu na važnost zekjata, tako da je došlo do porasta uplaćenog zekjata tijekom 2007. g. u odnosu na 2006. g. za čak 34%, što je hvale vrijedan podatak. Za razliku od toga sadeka-i-fitr je porastao svega 2%.

Prezentirana je visina članarine koju plaća 59 osoba zaposlenika i funkcionara u Islamskoj zajednici Hrvatske te Medžlisu Zagreb.

Konačno, prezentiran je prijedlog izgleda nove članske iskaznice Medžlisa Zagreb.

U diskusiji je Dženan Čaušević ukazao na osjećaj srama kod džematlija koji su zapali u tešku materijalnu situaciju te ne mogu platiti dug članarine. Ahmed Ikanović je ponovio svoj prijedlog da se izvrše osobne posjete svim neredovitim članovima radi razgovora i utvrđivanja njihovih životnih prilika te naglašava velika sredstva koja leže u stavci članarina neredovitih članova. Mirsad Srebreniković naglašava da je ovaj rezultat u prikupljanju zekjata rezultat rada naših imama sa džematom, da je notorna činjenica pad ekonomske snage džemata od 2001.g. do danas, da rezultati našeg džemata predstavljaju više od polovine rezultata cjelokupne Islamske zajednice u Hrvatskoj, da smo mogli prezentirati financijske rezultate bez neredovitih članova brisanjem istih iz službene evidencije, no da želimo izaći pred džemat sa potpunim podacima. Merzuk Žunić ukazuje na džematlije koji redovito nakon džume daju sergiju od npr. 200,00 kn, ali nisu formalno naši članovi, slijedom čega očito nije riječ o ljudima koji nemaju savjest, već o njihovom gledanju na obvezu formalnog članstva. Uočljiv je konstantan pad prometa za oko 20% godišnje kod obrtnika kao ogledalo pada ekonomske snage stanovništva. Također ukazuje da članarina, zekjat, sadekatul fitr, kurban i sergija na nivou godine dosežu iznos od nekoliko tisuća kuna za prosječnog člana. Azra Omanović kratko ukazuje na održane sastanke Vijeća žena na kojima je bilo riječi o članarini, a očito je da brojne žene uzdržavaju obitelj zbog nezaposlenih supruge, jer su razvedene i slično te im članarina predstavlja problem. Veći broj žena koje su prije nekoliko tjedana pristupile na izbornu skupštinu Vijeća žena nisu redoviti članovi, a to je podatak koji zahtijeva analizu. Adnan Omanović ukazuje da je prioritetni strateški cilj povećanje broja članova, a ne tjeranje ljudi iz džemata radi naplate članarine. Bitno je da ljudi dolaze u džamiju, da dovode djecu u mekteb, jer to je cilj postojanja ove zajednice. Gledajući posljednjih 15 godina u prosjeku naši ljudi sve više pripadaju kategoriji socijalno ugroženog dijela stanovništva i tu činjenicu moramo prihvatiti. Sa ostvarenim rezultatima trebamo objektivno biti zadovoljni i težiti boljima, ali kriza obuhvaća cjelokupno društvo, ne samo nas. Naš cilj je da makar donekle izjednačimo broj džematlija koji plać

aju članarinu sa onima koji plaćaju zekjat, bez obzira na visinu zekjata tj. da se shvati bitno važenje pojma zekjata. Mirsad Srebreniković ukazuje da se visina članarina ne smije mijenjati od slučaja do slučaja, jer u protivnom gubimo objektivni kriterij naplate članarine. Khaled Yassin predlaže da imami obave posjetu neredovitim članovima, jer njih džemat poznaje, dok vjerojatno ne poznaje članove IOM-a. Mevludin ef. Arslani podsjeća da određen broj neredovityh članova predstavljaju osobe koje su tijekom rata boravile u Zagrebu kao izbjeglice iz BiH te da su se vratile kući tj. da podaci evidencije nisu aktualni. Posjete kućama pomažu u problemu članarine, a nova učlanjenja su moguća kod roditelja novih učenika u mektebu. Ahmed Ikanović podsjeća da je prilikom prikupljanja sredstava za izgradnju Zagrebačke džamije osobno obišao 827 džematlija, što dokazuje da je važan takav vid komunikacije. Mirza ef. Mešić ocjenjuje da glede prikupljanja članarine kritika može biti upućena imamima i članovima IOM-a, jer džematlije ukazuju da ih nitko ne posjećuje u njihovim kućama. Ukazuje da Rijaset IZ BiH dozvoljava uplatu SDF-a putem SMS poruka. Admir ef. Muhić navodi da je glede članarine identična rasprava vođena na sjednici IOM-a prije godinu dana, no da problemi očito nisu riješeni.

IOM donosi sljedeću

O d l u k u

1. Članovi IOM-a osobno će se zalagati i u praksi potvrđivati animiranje za učlanjenje u Islamsku zajednicu te izvještavati IOM o postignutim rezultatima. Izvršitelji odluke su svi članovi IOM-a.
2. Zadužuje se Muallimsko vijeće da u suradnji sa blagajnikom Medžlisa dostavi IOM-u popis učenika vjeronauka čiji roditelji nisu redoviti članovi (ne plaćaju članarinu duže od 5 godina) ili uopće nisu članovi.
3. Zadužuje se Vijeće žena da u suradnji sa blagajnikom Medžlisa dostavi popis žena čiji supruzi, a niti one nisu naši članovi ili su neredoviti članovi.
4. Zadužuje se Omladinsko vijeće da u suradnji sa blagajnikom Medžlisa dostavi popis mladeži koji nisu naši članovi ili su neredoviti članovi.
5. Imami, muallimi i muallime će redovito nastaviti posjete kućama nečlanova Medžlisa, a osobito našim neredovitim članovima koji imaju prioritet u posjetama. Na poziv imama ili muallima članovi IOM-a su dužni zajedno sa njima obaviti posjetu i podržati imama u pozivu da se džematlija učlani tj. obnovi članstvo. Posjeti se obavljaju temeljem telefonske najave na bazi prikupljenih podataka od strane IOM-a. Zadužuje se glavni imam da u svom mjesečnom izvješću odvojeno iskaže broj posjeta nečlanovima i neredovitim članovima s jedne strane od redovityh članova s druge strane. Izvršitelji odluke su svi imami, muallimi i članovi IOM-a.

6. Imami hatibi će redovito svaka tri mjeseca hutbom informirati džemat o islamskoj obvezi i pozitivnom značenju zajedničkog rada kao članova medžlisa. Izvršitelj odluke je glavni imam.

7. Provodit će se kontinuirana obrada podataka članova sa ciljem upotpunjavanja i ažuriranja kartoteke članova. Izvršitelji su Sabit Krsnić, hadži Ahmed Ikanović i hadži Muhamed Imeri.

8. Prilikom dogovoravanja dženaze obvezna je provjera članstva merhuma u našoj zajednici. Ukoliko postoji dug s naslova članarine potrebno je namiriti ga prije uplate troškova dženaze. Za nečlanove se primjenjuje postojeća tarifa. Džematlije teškog imovnog stanja ne podliježu obvezi plateža zaostale članarine uz uvjet da svoj status dokažu blagajniku pravno valjanom ispravom - iskaznicom primatelja socijalne pomoći, odreskom mirovine i sl. Izvršitelji odluke su svi imami i muallimi.

9. Sa ciljem poboljšanja kvalitete usluga i bolje analitike podataka članstva nastavlja se projekt izrade novih članskih iskaznica. Izvršitelji odluke su Sabit Krsnić i Sanel Modronja.

IV Sljedeća sjednica određena je za dne. 25.3.2008.g. / 17. Rebiu-l-evvel 1429 h.g.

V Na završetku sjednice proučena je Fatiha.

Sjednica IOM-a završena je u 22,30 sati.

AKTIVNOSTI VIJEĆA ŽENA

Nakon izborne skupštine žena našega džemata, održane 23.2.2008., izvijestili smo vas o imenovanju članica Odbora vijeća žena. **Odbor** vijeća žena u trećem mjesecu se sastao tri puta, a Vijeće žena (sve žene našega džemata) poslije izbora sastalo se dva puta.

Još jednom podsjećamo i pozivamo sve žene na redovite sastanke zadnju srijedu u mjesecu poslije akšam namaza (ljetno računanje vremena).

Prvi sastanak poslije izbora

Nekoliko dana poslije izborne skupštine i odabira 13 žena u **Odbor vijeća žena**, održan je prvi sastanak Vijeća a žena. Bilo je to 27.2.2008. u divanhani IC Zagreb. Na tom sastanku su potvrđeni rezultati izbora i prozване su izabrane žene. Bile su prisutne sve članice novoizabranoga Odbora osim Mirvete Kozice (bolest) i muallime Melise Arslani (bolesno dijete). Na ovom sastanku su prisutne žene davale prijedloge za planirane aktivnosti Vijeća žena o kojima će Odbor raspravljati na svojim sastancima i podnijeti izvješće na sastanku svih žena zadnju srijedu u mjesecu. Žene su dale sljedeće prijedloge:

Prijedlozi:

- Senada Krkić – Inicijativa za radio emisije, zakup termina 2x tjedno.

- Tesmiha Selman – Fond Vijeća žena i prijedlozi finansiranja.

Asija Omeragić – Zbližavanje, druženje, preporučuje subotnja druženja.

Prijedlog tečaja za kompjutere (10-ak zainteresiranih). Sena Srebreniković – sagledati soc. stanje s posebnom pažnjom na one koji ne traže pomoć; Zdrava prehrana kao tema tribine ili okruglog stola.

Džana Čevapović – Tečaj namaza; izleti: Pariz, Beč, Cazin...

Jašarević – Tečaj kur'anskog pisma van ramazana.

Emina Mešić – Krativne radionice kao oblik druženja i finansiranja / punjenja našega fonda.

Zekira Kasumović – Susreti sa ženama drugih konfesija. Kuhinje i kuhanje

Preporuka knjige Zeleno busenje: klub čitatelja Vijeća žena.

Prijedlozi sa Skupštine

- Stacionar za starije osobe – dnevni ili cjelodnevni boravak.

- Pojačati kontakte s Romskim zajednicama.

- Otvaranje staračkog doma.

- Besplatni pravni savjeti.

- Posjete bolesnicima i djeci sa posebnim potrebama.

Ostvareno:

Na sastancima Odbora vijeća žena, s kojih vam donosimo izvode iz zapisnika, raspravljalo se o gore navedenim prijedlozima i odmah krenulo u realiziranje nekih.

Zekira Kasumović je zadužena napraviti plan finansiranja što je i učinila.

Druženja su češća i masovnija. Zadovoljavajući je i broj prisutnih na sastancima Vijeća žena.

Predsjednica je upoznala Odbor MIZ o prijedlogu za tečaj informatike. Prijedlog je prihvaćen i bit će realiziran.

Ponedjeljkom u 20.00h održava se tečaj namaza.

Nedjeljom poslijepodne održava se tečaj kur'anskog pisma.

Kreativne radionice su nedjeljom poslije podne namaza. Već su održane 2 i prodajna izložba. Prikupljena sredstva su prvi prilog u fondu Vijeća žena.

Potaknule smo međusobnu razmjenu literature, potičemo na preporuku dobre knjige.

Mirveta Kozica je prihvatila prijedlog osmišljavanja *sportske sekcije za žene*.

Izleti: Ljubljana u 4. mjesecu i Cazin u 5. mjesecu.

Modna revija islamske nošnje u 5. mjesecu.

Ovo su konkretizirani prijedlozi, radimo na realizaciji i nadamo se novim idejama koje ćemo pokušati ostvariti.

Izvodi iz zapisnika Odbora vijeća žena IC Zagreb

Zapisnik sa 1. sjednice reorganiziranoga vijeća žena IZ Zagreb, održane 3.3.2008. u 20.00h u knjižnici IC.

Prisutne sve izabrane članice Odbora vijeća žena osim Mirvete Kozica (bolest), te Šefike Bešić i Džane Čevapović koje su odustale, a njihove zamjene će biti pozvane do sljedećeg sastanka.

- Odbor vijeća žena donosi odluku da se na mjesta odustalih kandidatkinja pozovu dvije žene koje su poslije izabranih osvojile najveći broj glasova na izbornoj skupštini. To su: Ahmetašević Lejla i Heđić Ismeta. Također podsjećaju na izborni pravilnik u kojem stoji da osoba koja bez opravdanog razloga i najavljenog odsustva ne dođe tri puta na sastanak biva zamijenjena ženom koja je sljedeća osvojila najveći broj glasova.

- Čitanje Statuta i upoznavanje s odredbama.

- Izbor predsjednice: Azra Omanović; podpredsjednice: Nura Čaušević; humanitarna djelatnost: Munevera Žunić, Asija Omeragić, Fatima Alii; finansije: Zekira Kasumović...

- Na ovoj sjednici se raspravljalo o konkretnim zadacima pa su članice Odbora dobile i konkretna zaduženja koja imaju obaviti do sljedećega sastanka.

Poimenična zaduženja:

Lamija – modna revija islamske nošnje;

Emina – kreativna radionica za žene;

Melisa – kontaktirati Mirvetu u vezi sa osmišljavanjem sportskih aktivnosti za žene;

Zekira – finansijski plan;

Munevera – humanitarni rad.

Zapisnik sa 2. sjednice vijeća žena IZ Zagreb, održane 10.3.2008. u 20.00h u knjižnici IC

Prisutne: Azra Omanović, Lamija Alili, Emina Mešić, Melisa Arslani, Asija Omeragić, Zekira Kasumović, Fatima Alii, Munevera Žunić, Lejla Ahmetašević.

Odsutne: Nura Čaušević (bolesna majka), Ismeta Heđić (na putu), Mirveta Kozica (bolest), Senija Krkić (nije obaviještena).

Prijedlozi i zaduženja:

Lejla Ahmetašević – bejbsiting

Ispomoć u kući, čuvanje starijih i bolesnih – prijedlog sastaviti Azra O.

Lamija – kontaktirati Fatimu Kadić Žutić u vezi s modnom revijom

Asija – izlet; zaduženje: Lejla za autobus, Emina za program

Munevera – priredba s ulaznicama, cilj prikupljanje novaca u fond

Zekira – čita prijedlog plana finansiranja Vijeća žena (donijet ćemo ga u cijelosti kad bude usvojen).

Zapisnik sa 3. sjednice

Vijeća žena IZ Zagreb, održane 19.3.2008. u 19.00h u čitaonici IC

Prisutne: Azra Omanović, Emina Mešić, Melisa Arslani, Nura Čaušević, Asija Omeragić, Zekira Kasumović, Mirveta Kozica, Fatima Alii.

Odsutne: Munevera Žunić (radi), Lejla Ahmetašević (radi), Lamija Alili (ima goste), Ismeta Hedić (na putu), Senada Krkić

podijeljeni kalendari
plan prodajne izložbe kreativne radionice
planirane aktivnosti, rasprava i dogovor

Planirane aktivnosti

Redoviti sastanci svih žena – zadnja srijeda u mjesecu
Izveštajna skupština Odbora MIZ Zagreb na kojoj će i naša predsjednica podnijeti izvješće o radu i planiranim aktivnostima – 3.4.2008.

Izlet u Ljubljani – 19.4.2008.

Tribina prof. Dubravke Miljković – 8.5.2008.

Modna revija islamske nošnje, prodajna – 10.5.2008.

Izlet u Cazinu – 24.5.2008.

Simpozij povodom 21. godišnjice radnog otvorenja naše džamije – 25. i 26.4.2008.

Zaključci i zaduženja:

Obavijest i bazu podataka za čuvanje djece, pomoć u kućanstvu – Azra Omanović.

Istaknuti poziv i obavijest s planiranim aktivnostima, animirati žene – Emina Mešić (Bilten, Oglasna ploča). Zahvala i simboličan poklon bivšoj predsjednici Senaidi Omeragić.

Provjeriti članarinu; sve žene Vijeća žena trebaju biti čl IZ – Zekira Kasumović sa blagajnikom.

Drugi zajednički sastanak Vijeća žena, poslije Izborne skupštine (zadnja srijeda u 3. mjesecu / 26.3.2008. poslije jacije namaza)

Na početku sastanka Azra Omanović je upoznala prisutne o planiranim aktivnostima za četvrti i peti mjesec. Donesena je odluka da se primaju prijave za izlet u Ljubljani do 9.4. kada će biti sastanak na kojem će žene biti upoznate s planom putovanja.

Odbor vijeća žena je donio odluku o osnivanju 3 servisa: **Servis za čuvanje djece, Servis za brigu o starim i nemoćnim, Servis za pomoć u kući.** Predsjednica je prisutne upoznala o potrebi i funkcioniranju ovih servisa i objasnila ulogu Vijeća žena u tome. Vijeće žena će biti koordinator između onih koji traže i daju pomenute usluge. Ponudila je liste na koje su se zainteresirane predbilježile. Te liste će biti i u dežurnom uredu. Kad netko bude tražio određenu uslugu, bit će mu preporučena osoba s te liste. **S napomenom da ni za koga ne garantiramo i ne snosimo odgovornost.** Na zainteresiranima je da se dogovore.

Ovim listama se pridodaje i lista **POKLANJAM** na koju se mogu predbilježiti oni koji poklanjaju suvišne stvari iz stana, npr tepih, krevet, sto..., i ona će biti izvješena na oglasnoj ploči u džamiji sa kontakt podacima osobe koja nešto poklanja. Tako će zainteresirani moći stupi-

ti u kontakt sa osobom koja nešto poklanja bez posrednika i nelagode.

Važno:

U srijedu 9.4.2008. poslije akšam namaza je sastanak u vezi s izletom u Ljubljani.

TRIBINE „DR. SULEJMAN MAŠOVIĆ“

U četvrtak, 06. 03. 2008. na tribini „Dr. Sulejman Mašović“ promovirana je knjiga „U sutonu jedne mladosti“, autora Hasete Ćoralića. O knjizi su govorili muftija Ševko ef. Omerbašić, mr. Zlatko Hasanbegović i autor knjige. Knjiga govori o stradanju muslimana Bošnjaka nakon Drugog svjetskog rata u novoj Jugoslaviji. O tome su govorila i sva trojica predavača i promotora knjige. Svaki Bošnjak koji je mislio i nije bio član komunista bio je sumnjiv vlasti a mnogi su na najbrutalniji način mučeni u zatvorima o čemu je svoja iskustva govorio i autor knjige g. Hase Ćoralić.

U četvrtak, 13. 03. 2008. godine, na tribini „Dr. Suljman Mašović“ održan je promocija knjige „Odsjaji“ koju je napisao jedna od najpoznatijih i najprevođenijih turskih alima u zadnje vrijeme rahmetli Said Nursi. O Saidu Nursiju, njegovom životu i djelu, okolnostima u kojima je djelovao te njegovim doprinosima širenju islamske misije u u Turskoj govorili su prof. dr. Džemaludin Latić, profesor tefsira na Fakultetu islamskih nauka u Sarajevu i Mehmet ef. Firinci, jedini živući učenik Saida Nursija.

OBILJEŽEN MEVLUD – ROĐENDAN MUHAMMEDA A.S.

U četvrtak, 20. 03. 2008. odnosno 12. rebiul-evvela 1429. godine između akama i jacije u Zagrebačkoj džamiji svečanim je programom obilježen mevlud, rođendan Muhammeda a.s., posljednjeg Allahovog Poslanika. Mevludski program su izveli imami uz potporu tri zboru: Arabeski, zboru Zagrebačke medrese i mektebskog zboru. Najmlađi su bili najljepši i najinteresantniji. Svečanost je zapaženim vazu-nasihatom upotpunio profesor Fakulteta islamskih nauka iz sarajeva prof. dr. Hilmo Neimarlija.

POZIV NA IZVJEŠTAJNU SKUPŠTINU

Sve vas, drage džematlije, pozivamo na Izvještajnu skupštinu Medžlisa islamske zajednice Zagreb, koja će se održati u sklopu redovne tribine „Dr. Sulejman Mašović“, u četvrtak, 03. 04. 2008. godine poslije akšam namaza u velikoj dvorani islamskog centra Zagreb „H. Salim Šabić“. Izvještajna skupština će podrazumijevati izvještaje iz svih djelatnosti našega Medžlisa u 2007. godini. Od vas se očekuju pitanja i konstruktivni prijedlozi te pozitivna kritika na djelatnosti u našem Medžlisu.

PROGRAM SKUPŠTINE

1. TEHNIČKI RAD IZVRŠNOG ODBORA MEDŽLISA IZ ZAGREB

- Statut
- Poslovnik
- Ugovori
- Članovi IOM-a
- Analitika prisutnosti
- Imovina

◆ PREZENTIRA:
Adnan Omanović

2. FINANCIJSKO POSLOVANJE MEDŽLISA IZ ZAGREB

- Tekuće održavanje
- Investicijsko održavanje
- Svi konkretni poslovi
- Financijski rezultat
- Plan za 2008. godinu
- Prijedlozi poboljšanja

◆ PREZENTIRA:
Mirsad Srebreniković

3. ANALITIKA ČLANARINA I SERGIJA MEDŽLISA IZ ZAGREB

- Modaliteti naplate
- Financijska analitika
- Zekat
- Sadekatul fitr
- Namjenske sergije
- Prijedlozi poboljšanja

◆ PREZENTIRA:
Fahrudin Mujkanović

4. VJERSKO PROSVJETNE AKTIVNOSTI MEDŽLISA IZ ZAGREB

- Članovi Muallimskog Vijeća
- Vjeronauk / mekteb-škola
- Namazi
- Obrazovni program
- Natjecanja
- Posjete IC Zagreb

◆ PREZENTIRA:
Hafiz Aziz ef. Alili

5. ZNANSTVENO INFORMATIVNA DJELATNOST MEDŽLISA

- Simpozij
- Teme i predavači
- Izdavačka djelatnost
- Tribine
- Bilten
- Zapažanja

◆ PREZENTIRA:
Mirza ef. Mešić

6. ARABESKE – ŽENSKI ZBOR MEDŽLISA IZ ZAGREB

- Povijest Arabeski
- Nastupi
- CD izdanja
- Rukovođenje
- Uvjeti rada
- Pomladak

◆ PREZENTIRA:
Dženan Čaušević

7. HUMANITARNO VIJEĆE – MERHAMET MEDŽLISA IZ ZAGREB

- Koordinacija
- Materijalne pomoći
- Financijske pomoći
- Posjete
- Uvjeti rada

◆ PREZENTIRA:
Sami Ališan

8. OMLADINSKO VIJEĆE – OKM MEDŽLISA IZ ZAGREB

- Koordinacija rada
- Programske sekcije
- Plan rada
- Realizirani programi
- Sastav Vijeća
- Tehnička podrška

◆ PREZENTIRA:
Mr. Azra Omerčević

9. VIJEĆE ŽENA MEDŽLISA IZ ZAGREB

- Koordinacija Vijeća
- Plan rada
- Sastav Vijeća
- Realizirani projekti
- Problematika kadrova
- Zapažanja

◆ PREZENTIRA:
Azra Omanović

10. VIJEĆE SPORTSKE KULTURE I RESTORAN IC ZAGREB

- Koordinacija Vijeća
- NK Nur
- Sportska natjecanja
- Uvjeti rada
- Sponzori
- Restoran

- ◆ PREZENTIRA:
Haris ef. Opardija

11. RAZNO

- Analiza izlaganja
- Pitanja i prijedlozi
- Zapažanja

- ◆ PREZENTIRA:
Sudionici skupštine

POZIVA NA TEČAJ NAMAZA

POŠTOVANE DŽEMATLIJE, ESSELAMU ALEJKUM.

OBAVJEŠTAVAMO VAS DA ĆE SE SVAKI PONE-DJELJAK, POČEV OD 24. 03. 2008. GODINE, U STALNOM TERMINU OD 20:00 - 21:00 SATI U UČIONICI BR. 11., ODRŽAVATI TEČAJ O TEME-LJNIM ISLAMSКИ PROPISIMA. TEČAJ ĆE TRA-JATI DO ZAVRŠETKA ŠKOLSKE GODINE A PO-DRAZUMIJEVAT ĆE UČENJE I PRAKTIČNO PO-KAZIVANJE PROPISA O NAMAZU, POSTU, ZE-KATU I HADŽU.

SVI VI KOJI ŽELITE OBNOVITI SVOJE ZNANJE, ILI IMATE NEDOUMLJIVOSTI OKO OBAVLJANJA NE-KIH ISLAMSКИ PROPISA, ILI STE NA POČETKU STJECANJA ZNANJA O GORE NAVEDENOM, POZVANI STE DA NAM SE PRIDRUŽITE KAD GOD IMATE VREMENA. IAKO JE REDOVNOST POŽELJNA, NIJE OBAVEZNA. STAROSNA DOB NIJE VAŽNA. SVI SU DOBRO DOŠLI.

VODITELJ TEČAJA: MIRZA EF. MEŠIĆ

POZIV NA SVEČANO OTVORENJE NOGOMETNOG IGRALIŠTA

Medžlis islamske zajednice Zagreb i N.K. Nur poziva-ju vas da u **utorak, 01. travnja 2008.** godine sa početkom u **16:45 sati**, prisustvujete svečanom otvorenju novoizgrađenog nogometnog igrališta pored naše džamije. Centralni događaj svečanosti bit će odigravanje prijateljske nogometne utakmice između domaćina N. K. Nura i najboljeg hrvatskog nogometnog kluba N. K. Dinama. Na utakmici se uz brojne zvanice i goste očekuju gradonačelnik grada Zagreba g. Milan Bandić sa suradnicima te ministar obrazovanja i sporta Republike Hrvatske prof. dr. Dragan Primorac.

Dođimo i podržimo naše Nurovce, jer tako podržavamo naše mlade, koji će kao dobri muslimani i sportaši uvijek biti ako Bog da primjer u ponašanju svojim vršnjacima.

POZIV NA SIMPOZIJ

U povodu 21. godine radnog otvorenja Zagrebačke džamije ali i 20. godine od smrti velikog zagovornika njene izgradnje prof. dr. Ahmeda Smajlovića, u vreme-

nu od 24. do 26. travnja 2008. godine održat će se trodnevni simpozij na temu „Život i djelo Ahmeda Smajlovića“. Na ovom simpoziju bit će izlagane sve one teme kojima se bavio i rahmetli profesor Smajlović ali i pitanja koja danas zasijecaju u svakodnevni život muslimana posebno nas u Hrvatskoj.

Svečano otvorenje je planirano za četvrtak, 24. travnja u večernjim satima. Organizator simpozija je Zagrebačka medresa koja nosi ime po ovom velikanu muslimanske i bošnjačke tradicije uz suorganizaciju Mešihata i zagrebačkog Medžlisa.

GRADONAČELNIK KARLOVCA DAMIR JELIĆ SA SURADNICIMA POSJETIO ISLAMSKI CENTAR ZAGREB

Dana 12. ožujka 2008. gradonačelnik Karlovca prof. Damir Jelić sa suradnicima posjetio je Islamski centar Zagreb. Domaćin gostima je bio predsjednik Mešihata Islamske zajednice muftija Ševko ef. Omerbašić sa suradnicima. Muftija Omerbašić je zahvalio gradonačelniku na do sad učinjenom u procesu osnivanja džemata Karlovac i iznalaženju prostora za neometan rad Islamske zajednice. Dajući Islamskoj zajednici prostor od 140m² bez naknade na neodređeno vrijeme gradska vlast je odaslala jasnu poruku otvorenosti te primjer drugim lokalnim sredinama kako treba potpomagati vjerske zajednice. Nakon ugodnog razgovora i druženja domaćini su s gostima obišli prostore Islamskog centra, Zagrebačke medrese «Dr. Ahmed Smajlović» te dječijeg centra u razizemlju. Također su obišli i sportske terene N.K. Nura. Gosti nisu krili svoje oduševljenje viđenim te su obećali daljnju suradnju s Islamskom zajednicom.

PUTOVANJE U SPLIT

Na inicijativu OKM-a Zagreb u suradnji sa splitskim džematom 15.03.2008. pedeset omladinaca iz Zagreba posjetilo je Split. Krenulo se poslije sabah namaza. U busu se osjećalo nestrpljenje, svi su se veselili zajedničkom druženju. Dolazak na podne namaz i zajednički ručak bili su početak druženja. Uslijedio obilazak grada. Splitski omladinci su nam predstavili grad sa puno ljubavi prema njemu i znanja, da smo imali dojam da nam o gradu pripovjedaju pravi povjesničari. Nakon akšam namaza, predstavnici OKM-a Zagreb održali su prezentaciju o svom radu, potaknuli splitske omladince da se intenzivnije druže te ih pozvali i na buduće korisne zajedničke susrete. Druženje se nastavilo obilaskom plaže, večerom... Obnovljena su stara i sklopljena nova prijateljstva i došlo je vrijeme za povratak. Ponosni smo i sretni što smo ovaj dan na Allahovo zadovoljstvo proveli sa splitskim džematom i zahvaljujemo im se na gostoprimstvu, korisnom i ugodnom druženju.

ZAGREBAČKA VAKTIJA

PRAYING TIMES FOR ZAGREB AREA

TRAVANJ/APRIL (IV.) 2008. – REBI'UL-EVEL/REBI'UL-AHIR (III. i IV.) 1429. H. G.

Kibla (smjer prema Mekki): 134° 32'

2008. M	Dani DAYS	1429. H	Napomene REMARKS	Zora DAWN	Izlazak sunca SUNRISE	Podne ZUHR	Ikindija ŽASR	Akšam MAGRIB	Jacija ISHA'
01	Ut	24	Rebi'ul-evel	04:40	06:28	13:01	16:37	19:33	21:05
02	Sr	25		04:37	06:26	13:00	16:38	19:34	21:07
03	Če	26		04:35	06:24	13:00	16:39	19:36	21:09
04	Pet	27	D ž u m a	04:33	06:21	13:00	16:40	19:37	21:10
05	Su	28		04:30	06:19	12:59	16:41	19:38	21:12
06	Ne	29		04:28	06:16	12:59	16:42	19:40	21:13
07	Po	01	Rebi'ul-ahir	04:26	06:14	12:59	16:43	19:41	21:15
08	Ut	02		04:24	06:12	12:59	16:44	19:43	21:17
09	Sr	03		04:21	06:10	12:58	16:44	19:44	21:18
10	Če	04		04:19	06:08	12:58	16:45	19:45	21:20
11	Pet	05	D ž u m a	04:16	06:06	12:58	16:45	19:46	21:22
12	Su	06		04:14	06:04	12:58	16:46	19:48	21:24
13	Ne	07		04:12	06:03	12:58	16:47	19:49	21:26
14	Po	08		04:09	06:01	12:57	16:47	19:50	21:27
15	Ut	09		04:07	05:59	12:57	16:48	19:52	21:29
16	Sr	10		04:04	05:57	12:57	16:48	19:53	21:31
17	Če	11		04:02	05:55	12:57	16:49	19:54	21:33
18	Pet	12	D ž u m a	04:00	05:54	12:57	16:50	19:56	21:35
19	Su	13		03:57	05:52	12:56	16:50	19:57	21:36
20	Ne	14		03:55	05:50	12:56	16:51	19:58	21:38
21	Po	15		03:52	05:49	12:56	16:51	19:59	21:40
22	Ut	16		03:50	05:47	12:56	16:52	20:01	21:42
23	Sr	17		03:47	05:46	12:56	16:52	20:02	21:44
24. travnja (18. rebi'ul-ahir) je 21. obljetnica radnog otvorenja Zagrebačke džamije									
24	Če	18		03:45	05:44	12:55	16:53	20:03	21:46
25	Pet	19	D ž u m a	03:42	05:42	12:55	16:53	20:05	21:48
26	Su	20		03:40	05:41	12:55	16:54	20:06	21:50
27	Ne	21		03:38	05:40	12:55	16:54	20:07	21:51
28	Po	22		03:37	05:39	12:55	16:54	20:07	21:52
29	Ut	23		03:35	05:38	12:55	16:55	20:09	21:54
30	Sr	24		03:32	05:35	12:54	16:55	20:11	21:56

DŽUMA NAMAZ SE KLANJA U 13: 15 SATI.